

直隸

直隸方輿紀要序

據上游之勢以臨馭六合者非今日之直隸乎說者曰昔黃帝邑於涿鹿之阿幽陵自昔建都地也太史公曰學者多稱五帝然孔子刪書斷自唐虞昔舜分幽州周列燕國漢唐以來大都可知也石晉以燕雲入契丹耶律德光於晉之天福二年始號爲南京耶律隆緒又於宋之祥符五年改爲燕京及女真得其地廢主亮以宋之紹興二十三年定都於燕謂燕爲列國之名改爲中都蒙古鐵木真於宋之嘉定八年克燕謂之燕京路忽必烈以至元元年復號爲中都四年更置城郭而徙都

序

一
敷文閣

焉九年改稱爲大都路然則女真因遼蒙古因金燕都者遼金元之故都也明太宗而復都於燕也何居曰太宗潛龍之地也太宗初就封於燕當是時蒙古之餘裔猶熾習見燕都之宮闕朝市不無窺伺之情太宗靖難之勳旣集切切焉爲北顧之慮建行都於燕因而整戈秣馬四征弗庭亦勢所不得已也鑾輿巡幸勞費實繁易世而後不復南幸此建都所以在燕也說者曰天下有偏重之處幽燕去河洛爲遠而去關中爲尤遠唐都關中以范陽盧龍斗絕東垂爲契丹奚室韋靺鞨所環伺於是屯戍重兵增節鎮祿山乘之遂成天寶之禍終

唐之世河北常爲厲階其後契丹得幽燕因以縱暴於石晉女眞得幽燕因以肆毒於靖康勢莫如建爲京師俾禁旅雲屯才勇輻輳以潛消天下之禍本况苦寒沙磧之地莫甚於燕而天子且以身先之夫誰敢耽安樂而避艱難者曰是未可以槩論也周都豐鎬封召公於燕不聞周室之亂自燕始也漢都長安高帝五年封盧縮於燕十一年縮叛降匈奴其時之叛者不獨縮且有燕而亦不能守也後或爲燕國或爲廣陽郡終漢之世不聞燕之起而爲厲東漢初祭彤著折衝之畧則戎夷懷畏迨於末李劉虞牧幽州猶能撫循其民歌思遍於

序

二

敷文閣

境內雖篡竊紛紜之際稱雄者或不乏然革易之初爲亂且遍天下咎又不獨在燕矣夫漁陽之禍亦唐自召之耳使委任得人而制御有方安在祿山之能爲變哉史思明李懷仙朱滔劉怱之徒相繼而拒命也朱克融之徒復以盧龍叛也論者乃不察其本遂比盧龍若異域謬矣夫王者長駕遠馭不能威行萬里幽燕禹迹內地耳乃謂鞭箠所不能及乎且吾聞之天子有道守在四夷勇夫重閉君子所貴以萬乘之尊而自臨於危險之地未爲長策也有定天下之勞者享天下之逸亦不必寒苦沙磧之地而後可以建都也曰然則幽燕不可以

建都乎曰奚爲不可也人亦有言建都之地關中爲上洛陽次之燕都又次之洛陽吾無論矣漢都長安則置朔方之郡列障戍於河南又開河西五郡以絕羌與匈奴相通之路唐人築三受降城則守在河北又置安西北庭都護則西域盡爲臣屬故關中可以無患及至德以後河隴之地盡沒於吐蕃而涇陽渭北戎馬且充斥焉然則朔方不守河西不固關中亦未可都也都燕京而棄大寧棄開平委東勝於榛蕪視遼左如秦越是自剪其羽翼而披其股肱也欲求安全無患其可得哉然則自遼及元何以必都燕京曰遼起於臨潢南有燕雲

序

三

敷文閣

常慮中原之復取之也故舉國以爭之置南京於燕西京於大同以爲久假不歸之計女真自會寧而西擅有中夏仍遼之舊建爲都邑內顧根本外臨河濟亦其所也蒙古自和林而南混一區宇其創起之地僻在西北而仍都燕京者蓋以開平近在漠南而幽燕與開平形援相屬居表裏之間爲維繫之勢由西北而臨東南燕京其都會矣明代之都燕也當法漢唐之成算以開平大寧東勝遼陽爲河西朔方之地乃坐而自削有日蹙百里之譏無乃與都燕之初意相刺謬乎說者曰以燕京而視中原居高負險有建瓴之勢太宗深鑒於金陵

之已事建都於此實爲萬世

曰形勝未可全恃

而燕都之形勝又不足恃也太史公曰燕北迫蠻貊內錯齊晉崎嶇強國之間最爲弱小幾滅者數矣及秦人滅趙敗燕軍於易水之西而國隨以亡臧荼盧縮國於燕不旋踵而隕斃彭寵以漁陽賈禍公孫瓚以易京覆宗王浚掩有幽州幸晉室多故冀以自雄而見戕於石勒段匹磾有幽州而仍不能自立也杜洛周葛榮韓嬰之輩旋起旋滅皆不足道高開道竊有漁陽身死而地歸於唐天寶以後以河北叛亂者凡十七起其能免於誅戮保其宗祀者不數見也迨夫李匡籌見滅於克用

序

四

敷文閣

劉守光復繫組於存勗而幽燕卒并於河東矣契丹倔強者八世竟敗亡於女真女真恣睢者百年終剪滅於蒙古烏在其爲險固者歟嗚呼以燕都僻處一隅關塞之防日不暇給卒旅奔命挽輸縣遠脫外滋肩背之憂內啟門庭之寇左支右吾倉皇四顧下尺一之符徵兵於四方恐救未至而國先亡也撤關門之戍以爲內援之師又恐軍未離而險光失也甚且籍虎以驅狼不知虎之且縱其搏噬以烏喙攻毒而不知烏喙之卽足以殺身也不亦悲哉然則當去燕京而都金陵乎曰金陵可爲創業之地而非守成之地也局促於東南而非宅

中國大之業也然則建都者當何如曰法成周而紹漢
唐吾知其必在關中矣

序

卷十

直隸一序

五

敷文閣

讀史方輿紀要卷十

山顧祖禹景范輯著
昌彭元瑞芸楣校定

錦里龍萬育燮堂校刊

直隸一

古冀州舜分置十二州此為幽州傳曰舜分冀東北恒山

無間之地為幽州則直隸為幽并二州地禹貢亦為冀

州周禮職方東北曰幽州應劭曰北方大海陰故以幽冥

幽都山列北蓋因以武王封召公奭於燕此為燕地其在

天文尾箕則燕分野亦兼趙魏之疆真定順德廣平河

屬於趙大名春秋時衛地後屬魏大名在禹貢秦并天

下置漁陽上谷邯鄲鉅鹿右北平等郡漢置十三州此

讀史方輿 卷十 直隸一 一 敷文閣

亦為幽州及并冀二州地後漢因之後漢以幽州治也理薊

州則理鄗今見趙山西栢鄉縣而并晉亦為幽冀諸州幽理

涿州冀理房子今後為石勒慕容雋及苻堅所據堅敗

屬慕容垂其後入於後魏魏末高齊據之宇文周復滅

齊而有其地隋分十三部此亦為冀州而不詳所統唐

分十道此為河北道天寶以後強藩往往竊據焉五代

時石晉割燕平諸州入于契丹周世宗復三關於是與

契丹以白溝河為界見保定府雄縣及宋仍為河北路

後又分河北為東西路慶歷中嘗分為四路今詳最後

建燕山路而宋以亡金初亦分河北為東西路廢王亮

定都于燕因改置中都等路蒙古初置燕京路至元四年定都于此改大都路置中書省統山東西及河北地明洪武九年置北平等處承宣布政使司永樂元年建北京行稱在為十八年始定都焉改布政司為直隸洪熙初復稱行在正統六年定為京師統府八州二屬州十七縣一百一十六約總為里三千二百有奇夏秋二石有奇而衛所參列其中

順天府

屬州五

縣三十二

大興縣

附郭

宛平縣

附郭

良鄉縣

固安縣

永清縣

東安縣

讀史方輿

卷十

直隸一

二

敷文閣

香河縣

通州

屬縣四

三河縣

武清縣

灤縣

寶坻縣

霸州

屬縣三

文安縣

大城縣

保定縣

涿州

屬縣一

房山縣

昌平州

屬縣三

順義縣

懷柔縣

密雲縣

蓟州 屬縣 四

玉田縣 豐潤縣 遵化縣

平谷縣

保定府 屬州 三 縣 十七

清苑縣 滿城縣 安肅縣

定興縣 新城縣 雄縣

容城縣 唐縣 慶都縣

衛野縣 蠡縣 完縣

祁州 屬縣 二

深澤縣 束鹿縣

紀讀史方輿 卷十 直隸一 三 敷文閣

安州 屬縣 二

高陽縣 新安縣

易州 屬縣 一

來水縣

河間府 屬州 二 縣 十六

河間縣 獻縣 阜城縣

肅寧縣 任邱縣 交河縣

青縣 興濟縣 靜海縣

寧津縣

景州 屬縣 三

吳橋縣

東光縣

故城縣

滄州

屬縣三

南皮縣

鹽山縣

慶雲縣

眞定府

屬州五

縣二十七

眞定縣

附郭

井陘縣

獲鹿縣

元氏縣

靈壽縣

藁城縣

樂城縣

無極縣

平山縣

阜平縣

定州

屬縣三

新樂縣

曲陽縣

行唐縣

紀讀史方輿

卷十

直隸一

四

敷文閣

冀州

屬縣四

南宮縣

新河縣

棗強縣

武邑縣

晉州

屬縣三

安平縣

饒陽縣

武強縣

趙州

屬縣六

栢鄉縣

隆平縣

高邑縣

臨城縣

贊皇縣

寧晉縣

深州

屬縣一

衡水縣

順德府 屬縣九

邢臺縣 附郭 沙河縣 南和縣

任縣 內邱縣 唐山縣

平鄉縣 鉅鹿縣 廣宗縣

廣平府 屬縣九

永年縣 附郭 曲周縣 肥鄉縣

雞澤縣 廣平縣 成安縣

威縣 邯鄲縣 清河縣

大名府 屬州一 縣十

元城縣 附郭 大名縣 魏縣

紀讀史方輿 卷十 直隸一 五 敷文閣

南樂縣 清豐縣 內黃縣

濬縣 滑縣

開州 屬縣二

長垣縣 東明縣

永平府 屬州一 縣五

盧龍縣 附郭 遷安縣 撫寧縣

昌黎縣

灤州 屬縣一

樂亭縣

直隸 延慶州 屬縣一

永寧縣

萬全都指揮使司 屬衛十五 所三

宣府左衛 附及郭興又有所宣俱在右衛內前

萬全左衛

萬全右衛

懷安衛 又在保安內右

懷來衛 又在延慶內右

開平衛

龍門衛 蔚安州延慶別見永寧

龍門所 廣昌美峪二所別見長安嶺
鵬鸚赤城雲州馬營五堡附見

讀史方輿

卷十 直隸一

六

敷文閣

舊開平衛 附

舊大寧衛 附

東濱海

自山海關以南與遼東接界天津衛以南與山東接界皆大海也

南控三齊

燕齊地界相錯由京師走山東德州七百里而近楚粵江浙閩海之趨京師者皆以山東為梯航之會

西阻太行

太行中分冀州之界圍環數千里唐宋河北河東皆

以太行爲限蔽

北屆沙漠

幽州之地控帶沙漠明初列戍漠南鎖鑰深固後防
維日壞無復初制矣

其名山則有恒山

恒山亦曰常山亦曰北嶽在真定府定州曲陽縣西
北百四十里亘保定府以西及山西大同府東境保定

府志恒山在州南二十里北接蔚州之境西 舜

典歲十一月朔巡狩至于北岳禹貢太行恒山周禮
職方并州其山鎮曰常山爾雅恒山爲北岳祠典五

岳之一也

水經注謂

史記趙世家趙簡子告諸子曰

吾藏寶符於常山上諸子馳之常山上求無所得毋

恤還曰已得符矣簡子曰奏之曰從常山上臨代代

可取也又楚世家張儀說楚曰秦地半天下席捲常

山之險必折天下之脊燕世家燕聽張儀計願獻常

山之尾五城於秦漢天漢二年祠常山瘞元玉後漢

初平四年袁紹與黑山賊張燕等戰於常山建安三

年紹攻公孫瓚於易京見雄 瓚欲將突騎出傍西山

擁黑山之衆不果

西山即恒山黑山在今濬縣西北

天文志恒山辰星鎮焉晉建興四年恒山崩

義熙五年

崩又太元十一年丁零翟真餘黨鮮于乞保曲陽西山

聞慕容垂南畧地時垂都乃出營望都今慶為慕容

麟所敗二十一年慕容垂自將伐跖跋珪引兵密發

踰青嶺徑天門鑿山通道出敵不意逕指雲中青嶺

嶺天門亦曰鐵隆安初拓跋珪圍中山燕慕容麟作

亂自中山出奔西山依丁零餘衆二年拓跋珪自鄴

還中山將北歸發卒萬人治直道自望都鐵關鑿恒

嶺至代五百餘里劉伯莊曰即義熙十三年北魏將

叔孫建擊丁零翟蜀洛支等於西山平之劉宋永初

三年北魏主嗣謀侵宋將諸國兵南出天關即天踰

紀讀史方輿卷十直隸一八敷文閣

恒嶺元嘉五年定州丁零鮮于臺陽等二千餘家叛

入西山北魏將叔孫建復討降之二十年北魏主燾

自平城如恒山之陽隋大業四年祠恒岳唐武德五

年突厥寇定州總管雙士洛擊敗之於恒山南五代

周顯德六年將復關南之地詔義武帥孫行友捍西

山路使漢不得越西行友因引兵拔契丹之易州地

記恒山北臨代南俯趙東接河海之間天下形勝處

也唐十道志河北名山曰常岳常水出焉括地志北

岳別名華陽臺白上曲陽縣西北行四百五十里得

常山吸號飛狐口北則代郡也名山記恒山高三千

曰有大華陽臺四山有紫微宮五曰蘭臺府又北岳記恒山
頂一名無恤臺以趙襄子嘗登此觀代國下瞰東海
也地志云恒山高侵霄漢頂名天峰嶺下建北岳觀
觀前風出如虎吼名者風口其餘
峰巖洞壑隨地立名者以數百計
中山志中山西北
二百里
有狼山自狼山而西南連常山山谷深險漢
末黑山張燕五代孫方簡兄弟皆依阻其地沈括曰
北岳恒山一名大茂山宋以大茂山脊與契丹分界
胡氏曰自恒山至代有飛狐之口倒馬之關夏屋廣
昌五回之險夏屋見山西廣昌縣五代州見易州夫恒山挺峙
於冀州之中為東西屏蔽巖谷高深道路阻險出奇
者所必由也

太行

太行山亦曰西山在順天府西三十里志云太行首
起河內北至幽州今由廣平順德真定保定之西回
環至京都之北引而東直抵海岸延袤二千餘里皆
太行也從鎮定澤潞諸州而言則曰山東西自燕雲
諸州而言則曰山前後石晉以山前後十六州入於
契丹為中原之禍者數百年蓋太行隔絕東西實今
古之大防州軍鎮戍沿山錯列憑高控險難於突犯
亦謂之燕山河北所恃以為固者也志勝云今界內
諸山凡強形巨勢爭奇競險拱翼畿甸者皆太行之

支峰別阜耳又太行凡八陁其在河北者有四曰井陘曰飛狐曰蒲陰曰軍都餘詳見河南名山太行碣石

碣石山在永平府昌黎縣西北二十里禹貢夾右碣石入于河又云太行恒山至于碣石蓋河北之大山

也戰國策蘇秦曰燕南有碣石雁門之饒山海經碣石之山澗

水出焉東流注於河史記秦始皇三十二年之碣石刻碣石門

壞城郭決通隄防二世元年東行郡縣刻碣石並燕南至會稽漢武帝元封元年東巡海上至碣石北魏主濬太安三年東巡登碣石望滄海改碣石山爲樂

紀讀史方輿卷十直隸一十敷文閣

遊山北齊主高洋天保四年破契丹還至營州登碣石山臨滄海後周大象初發山東民脩長城立亭障西自雁門東至碣石唐十趙志河北道名山曰碣石孔穎達曰碣石在平州東離海三十里遠望其山穹窿似冢有石特出山頂其形如柱當卽禹貢之碣石爾雅釋名碣石者碣然而立在海旁也水經注碣石山在驪成縣西南枕海有石如甬道數十里當山頂有巨石如柱形立於世既久爲水所漸淪入於海去柱舊在河口海濱歷世既久爲水所漸淪入於海去海岸水溢西南漢出平帝時司空掾王橫言昔天嘗連北風碣石固移也商武后萬歲登封初契丹酋帥李盡忠孫萬榮作亂據營州進圍檀州遣將軍曹仁師等擊之

戰於硤石谷唐兵大敗明年王孝傑與孫萬榮戰於東硤石契丹兵退孝傑追之行背縣崖契丹回兵薄之孝傑敗沒唐志平州有東西硤石二戍硤石卽碣石之訛也又武后末唐休璟練習邊事自碣石以西踰四鎮綿亘萬里山川要害皆能紀之通釋曰碣石凡有三鄒衍如燕燕昭王館之碣石宮身親往師之此碣石特宮名耳在薊縣東二十里寧臺之東非山也泰樂長城起自碣石此碣石在高麗界中亦謂之左碣石杜佑曰秦長城所起之碣石在漢樂浪郡遂城縣地今猶有長城遺址東截遼水入高麗趙隋大業八年伐高麗分遣其在平州界內者卽古大

河入海處爲禹貢之碣石亦曰右碣石元金仁山亦云碣石有左右二山此皆傳譌也郭造卿云今昌黎縣北十里有仙人臺卽碣石頂也其臺崇廣絕壑萬仞仰凌霄漢回視邊塞俱在矚睫間又有一巨石形如甕鼓疑卽所稱天橋柱昔人謂碣石淪在海中似未然也

其大川則有桑乾河

桑乾河源出山西馬邑縣西北十五里洪濤山亦名

山灑水出焉卽桑乾河上源也漢志注謂之治東流水治讀曰除水經注謂之濕水又謂之索涓水東流

經大同府南山陰縣應州渾源州之北又東流經廣

靈縣及蔚州北境入直隸保安州界經州西南出西

山至順天府西南曰盧溝河俗呼小黃河以其流濁

而易淤也亦謂之渾河出盧溝橋下東南流為看丹

口或悞為燕丹口元史作東麻谷去府四十里分二派一東流至通州南

高為莊在州西南十三里稍東即張家灣也合白河一南流經良鄉

縣東固安縣西為巨馬河與霸州界河合東流經永

清縣及東安縣南至武清縣小直沽達於海後漢建

武十三年王霸治飛狐道陳委輸事從濕水漕以省

陸輓之勞即此也漢志注治水過郡六雁門代郡上谷涿郡廣陽

陽漁行千一百里又桑乾水入幽州境亦謂之南桑乾

水隋煬帝大業七年伐高麗宜社於南桑乾水上是

也宋宣和四年童貫侵遼遣劉延慶等出雄州至良

鄉為遼所敗降將郭藥師請奇兵夜半逾盧溝襲燕

京入迎春門以軍無後繼不能克延慶營於盧溝橋

潰還遼人追至涿水而去乾道六年金人議開盧溝

河以通京師漕運自金口河導至京城北入濠又東

至通州北入潞水既而以地峻水濁不堪舟楫漕渠

竟不成元致和元年上都諸王忽剌臺等入紫荊關游

兵進逼盧溝橋為燕帖木兒所敗遁去盧溝蓋京師

南面之巨塹也

志云渾河流濁勢盛自大興而東南入東安武清界金元時皆修築堤岸

以防潰決綿亘三四百里而武清崩圯尤甚每費修塞有明隄防之役亦常不乏焉

滹沱河

滹沱河源出山西繁峙縣東北百二十里之大戲山由繁峙縣折而西南流經代州東南又西南經崞縣忻州及定襄縣東復折而東南流經五臺縣南盂縣北又東入直隸真定府平山縣界經縣北又東經靈壽縣及真定府城南歷藁城縣北趨晉州城南繞保定府束鹿縣南又過安平縣南達深州北復東出饒陽縣北歷河間府獻縣南交河縣北入青縣界至縣東南岔河口合於衛河東北流至靜海縣小直沽入

紀讀史方輿

卷十 直隸一

十三

敷文閣

於海周禮職方并州川曰虡池

虡池讀曰呼馳

禮記晉人將

有事於河必先滹沱是也

亦謂之惡池惡讀曰汚

戰國策趙攻

中山以擅滹沱漢志注虡沱過郡六

代郡太原真定常山鉅鹿勃海

行千三百七十里更始二年世祖自下曲陽

見晉州馳

至滹沱渡河所謂倉卒滹沱河麥飯也建武十三年

以匈奴寇邊遣馬武屯滹沱河以備之建安中曹操

自饒陽北引滹沱河為平虜渠後魏時冀州刺史王

質以滹沱河流屈曲疏而直之又刺史楊真請改滹

沱河為清寧河唐六典河北大川曰滹沱自安史之

亂滹沱南北常為戰爭之所五代時契丹南牧晉人

每禦之於滹沱宋咸平中何承矩築隄儲水以限戎馬則引滹沱爲塘泊蓋滹沱橫亘於河北燕趙有事滹沱上下皆津渡處矣

衛河

衛河源出河南輝縣西北七里之蘇門山東流經新鄉縣北過衛輝府城北一里又東北入北直大名府濬縣境謂之白溝淇水入焉亦謂之宿胥瀆志云衛水小水也後漢建安九年曹操於洪水口下大枋木遏淇水東入白溝是時淇水入大河故操遏使東北流以便漕運衛河乃附淇水而東

淇水見河南淇縣

隋大業

四年又引白溝爲永濟渠亦曰御河自是衛河專有御河之名而淇水之名遂掩今衛河由濬縣經內黃縣北魏縣東南又經大名府城南東北流與故屯氏河相接屯氏河亦名王莽河歷山東東昌府館陶縣西漳河合焉又東北流至臨清州西與元人所開會通河合流濁勢盛漕河得此始無淺澁之虞由此歷武城縣及恩縣之西至北直故城縣南又東北歷山東德州西又北歷直隸景州東境吳橋縣西境過東光縣西交河縣東南皮縣西又北抵滄州西及興濟縣西又北至青縣南岔河口而合於滹沱又北至靜海縣與霸

州文安縣接界引而東達天津衛又東百里而入於海曲折幾二千里此衛河之大畧也宋時黃河北流往往浸溢衛河屢費修塞元初漕舟涉江淮入河至於封邱府河南開封屬縣陸運一百八十里至淇門今衛輝府淇縣入於御河達於京師蓋用衛河之全也國家復濬會通河乃用衛河之半云詳見川瀆漕河

易水

易水源出保定府易州西山谷中漢志注易水出故安縣閭鄉水經注

亦云易水出故安縣閭鄉西山故安西入廣昌縣界周禮職

方并州浸涑易戰國策蘇秦曰燕南有滹沱易水又

紀讀史方輿 卷十 直隸一 十五 敷文閣

云趙之攻燕也渡滹沱涉易水不至四五日而距國

都矣史記燕太子丹使荆軻刺秦王祖道易水上又

始皇二十年秦軍破燕易水之西漢志易水東至范

陽入濡一云至范陽入涑漢范陽縣在今易州東南六十里建安十

一年曹操伐烏桓還至易水上郡代郡烏桓皆來賀

晉永安初幽州都督王浚入鄴還至易水以所將鮮

卑多掠鄴中婦女命敢有挾藏者斬於是沉於易水

者八千人二年石勒襲浚至易水督護孫緯欲拒戰

勒給浚至薊奉戴浚信之因禁諸將勿擊勒遂滅浚

還渡易水緯遮擊之勒僅免唐光化三年汴將張存

敬攻定州幽州帥劉仁恭遣子守光救之軍於易水
上存敬襲擊守光殺獲甚衆此易水蓋安州朱梁乾

化二年晉將周德威伐燕劉守光東出飛狐與鎮定
軍會於易水進下祁溝關此易水蓋即易州境之樂

史云易水有三源流經易州南三十里者曰中易水

出州西北三十里窮獨山者謂之濡水亦曰北易水

出州西南六十里石獸岡者謂之雹水一作鮑水亦曰南

易水中易水流經定興縣西亦謂之白溝河涑水縣

之拒馬河流合焉拒馬河即涑水兼有白溝河拒馬

河之名宋人引之與遼分又東經安肅縣北及容城

紀讀要史方輿卷十直隸一十六敷文閣

縣北濡水流合焉所謂北又經新城縣南亦曰拒馬

河歷雄縣北及順天府霸州之北良鄉縣之琉璃河

河皆流又東經東安縣及永清縣南宋霸州治永清

北金元時始徙流縣南入武清縣之三角淀又東南至小直沽

與衛河合達於海此易水之東出者也其南易水即

水也自安肅容城縣南又東南經安州北曹河徐河石

橋河一畝泉河滋河沙河鴉兒河唐河與易水共爲

九河合成一川統名爲易水東至雄縣南亦名瓦濟

河又東歷河間府任邱縣北霸州之保定縣文安縣

南引而東合於滹沱同注於海此易水之別出而東

南流者也蓋易水之源並出於易州而其流自不相
亂或曰易水或曰故安河則推其本而言之也或曰
拒馬河或曰白溝河則從其流而言之也其於南易
水或曰滋河或曰沙河唐河則因其所滙合之川言
之也宋何承矩議引易水爲塘埭謂旣可以限敵騎
又可以利耕屯然自宋人引水作塘之後而川流之
故道益亂矣或曰易水本無正流附合支川以達於
海故自漢以來言易水之源流者多未得其詳云

漳水

漳水有二源濁漳水出山西長子縣西五十里之發

鳩山

地理志謂鹿谷山

經潞安府西南二十里東北流歷襄

垣潞城平順縣北黎城縣南入河南彰德府林縣境

過縣北至臨漳縣西而合於清漳清漳水出山西樂

平縣西南二十里之少山

地理志謂大屯谷

入遼州和順縣

經縣西至州東南又歷潞安府黎城縣東北八彰德

府涉縣南境過磁州南至臨漳縣西而合於濁漳此

漳水之上流歷久不變者也自是而下雖決徙不常

然大抵分爲兩途其一爲漳之經流禹貢所稱橫漳

者也由臨漳縣東北八直隸廣平府境經成安縣南

廣平肥鄉縣北至曲周縣西又東北歷雞澤縣更合

沙洺諸水入順德府平鄉縣境杜佑曰洺水縣南有

績至北於過順德府廣宗縣東入真定府冀州界又北

至南和縣西合於灋河舊流自平鄉縣東而北注於廣

大陸澤近代決徙不常經任縣東至趙州隆平縣東

北滙於大陸澤又經寧晉縣南又東過新河縣及南

宮縣北冀州西北又經深州之南衡水縣及武邑縣

之北又經武強縣東而入河間府阜城縣西北境又

東經交河縣南合於滹沱或謂之衡水或謂之枯涖

水或謂之葫蘆河或謂之長蘆河其實皆漳水也通

釋漳水舊從德州長河縣今見河間東北流經瀛州

紀讀史方輿卷十直隸一十八 敷文閣

平舒縣今霸州大成縣入於河周定王五年河徙而南故漳

水不入河而自達於海夫陵谷變遷誠難意測今漳

水附滹沱而入海不自達海也其一為漳河之支流

從臨漳縣東入直隸大名府魏縣界經縣南分新舊

二漳歷府城西東北流入山東東昌府館陶縣西境

而合於衛河漳濁衛清衛得漳流始盛而水亦濁過

臨清西而合運河運河弱而衛強於是設閘於河口

以防夏秋潦溢之患運船至此謂之出口東北達於

天津由小直沽入海自元以來類資漳河為轉輸之

助故經流日就湮塞間或從臨漳挾滏水東北出議

者鯁鯁然憂之恐衛流漸弱不足以濟運也志云河間府東光縣城西有濁漳水由東昌府之恩鄉入景州之故城縣界又經吳橋縣東復北流入東光縣合於衛河此卽漳衛合流之水隨時散溢者今湮塞已久非漳河正流也萬歷初漳河嘗北徙由魏縣入曲周縣之滏陽河而館陶之流幾絕是後臨漳濬縣內黃魏縣之境往往決塞不時蓋水流淤濁之故也大抵經流盛則支流衰支流盛則經流竭消長有時而臨漳已下漳水已合爲一志或言清或言濁者不過參錯言之非合流之後又有二漳水也

以清後清者濁亦

爲濁所奪故通典多言濁漳

夫橫漳之稱肇於禹貢職方冀州其

川漳戰國策蘇秦言秦甲渡河踰漳據番吾

見眞定府平山

縣則兵必戰於邯鄲之下矣張儀曰秦趙戰於河漳

之上再戰而趙再勝至於史起鑿渠以富國曹公導

流以通漕皆漳水也

詳見河南彰德府

漢志注漳水過郡五

上黨郡清河信都勃海

行千六百八十里唐十道志河北大川

曰漳水

灤河

灤河源出宣府衛西百二十里之炭山東北流經雲州堡北六十里馬營堡南二十餘里又北流經廢桓

州南入舊開平衛境東南流經古北口邊外小興州
東又東南與邊外九道流河及諸小水合勢始大由
薊州遵化縣東北團亭寨入內地經永平府遷安縣
東至府西合於漆河又經灤州東至樂亭縣南入於
海自源徂流橫亘於北境蓋千有餘里水經注濡水
自塞外來過令支肥如海陽等縣入於海濡水卽灤
水也濡乃官反音與灤同亦謂之灤水 晉元康五年鮮于跖跋祿官
分其國爲三部一居上谷之北濡源之西卽今宣府
以西地也義熙三年北魏主珪北巡至濡源自是以
後往往爲巡行頓舍之處十三年魏主嗣遣將延普

渡濡水擊叛將庫儻官斌斬之進攻燕令支劉宋元
嘉六年魏主燾大破柔然高車徙降附之衆於漠南
東至濡源西暨五原陰山三千里中使之耕牧而收
共貢賦九年魏主燾至濡水遣將奚斤發民兵運攻
具出南道會和龍以伐北燕括地志灤水導流深遠
爲幽平之外塹北使錄灤水濶不盈丈而中甚深兩
岸柳條叢生秋時採爲箭箠彝人以河水青綠急流
呼曰商都此謂今開平廢衛以東之灤河 元至元二十八年議疏濬
灤河漕運上都大德五年灤水漲溢平州城郭俱被
其患元人亦謂灤河曰開平縣亦言東關灤河水漲

衝損北岸議脩築之泰定二年永平路復請築堤以防灤水三年上都言灤水嚙堤請及時修治蓋灤水源高流迅易於決溢自開平棄而灤河中流遂屬荒外倘狡焉者爲壅塞之謀平灤一帶能不以沉溺爲慮哉其重險則有井陘

井陘關在眞定府獲鹿縣西十里山西平定州東九十里呂氏春秋天下九塞井陘其一亦曰土門關地記太行八陘其第五陘曰土門關今山勢自西南而東北層巒疊嶺參差環列方數百里至井陘縣東北五十里曰陘山穆天子傳謂之鉶山其山四面高平中下如井

故曰井陘燕趙之間亦謂山脊爲陘也徐廣曰陘山絕之名趙武靈王二十年使趙希并將胡代趙與之陘蓋并將胡代趙之兵與諸軍向井陘之側也始皇十八年王翦攻趙下井陘三十七年始皇死行遂從井陘抵九原二世二年趙王武臣使李良畧太原至石邑秦兵塞井陘未能前漢三年命韓信張耳東下井陘擊趙趙聚兵井陘口廣武君李左車謂陳餘曰信耳乘勝遠鬪其鋒不可當今井陘之道車不得方軌騎不得成列其勢糧食必在後願假臣奇兵三萬從間道絕其輜重足下深溝高壘勿與戰彼前不得

闔退不得返野無所掠不十日而兩將之頭可致麾下否則必爲二子所擒矣餘不聽信遂下井陘斬陳

餘漢志亦謂之石研關上黨三關之一也

研讀曰刑關蓋與上

黨連界

晉太元十八年慕容垂自中山伐西燕遣慕容

瓚等分道出井陘攻晉陽二十一年拓跋珪伐後燕

潛自晉陽開韓信故道遂出井陘趨中山北魏主濬

興光二年丁零數千家匿井陘山中爲盜陸眞討平

之魏主翊武泰初葛榮據有冀定以北秀容酋長爾

朱榮請帥所部自井陘以北滏口以西南滏口見河分

據險要攻其肘腋遂勒兵召集義勇北捍馬邑東塞

井陘普泰初高歡舉兵信都爾朱兆自晉陽出井陘

趣殷州

卽今趙州

歡擊敗之於廣阿

見隆平縣

明年爾朱兆復

攻高歡於鄴敗保晉陽歡尋自鄴引兵入滏口遣別

將庫狄干入井陘擊兆兆北走宇文周建德五年克

齊晉陽齊高孝珩請以幽州兵入土門趣并州隋仁

壽末漢王諒舉兵并州分遣其將劉建出井陘畧燕

趙詔李子胡發幽州兵擊却之唐十道志河北道名

山曰井陘武德三年竇建德南渡河救王世充於洛

陽詔并州總管劉世讓出土門趣洛州

時建德洛州都

調露

初突厥降部叛寇定州詔將軍曹懷舜屯井陘以備

之天寶末安祿山叛遣養子安忠志軍土門既又使其將李欽湊守井陘口代忠志守也以備西來諸軍會常

山太守顏杲卿起兵殺欽湊聲言朝廷已道大軍下井陘河北諸郡皆響應未幾常山爲賊將史思明所

陷河東帥李光弼出井陘遂復常山朔方帥郭子儀復自井陘東出與光弼合軍聲大振既而聞潼關陷

見陝西光弼等乃復入井陘留兵守常山諸將懼力

不敵遣宗仙運請於信都太守烏承恩曰常山北控燕冀路通河洛有井陘之險足以扼其咽喉莫若移

據常山而守之承恩不能用寶應初徵回紇兵討史

朝義於洛陽藥子昂奉詔勞回紇於忻州見山西請回

紇自土門略邢洺衛懷而南不從會昌四年發諸道兵討澤潞太原兵乘間作亂詔別將王逢自榆社還

軍討之榆社見山西而命成德帥王元逵自土門入應接

逢軍景福二年李克用敗鎮冀兵於平山進下井陘尋引還光化二年朱全忠將葛從周救魏博破幽州

兵乘勢自土門攻河東拔承天軍承天軍見真定縣五年全

忠侵河東使葛從周以兗鄆及成德軍入自土門趨晉陽又別將白奉會成德兵亦自井陘入拔承天軍梁開平四年全忠謀并鎮定鎮定請救於晉晉王存

勗命周德威引兵出井陘屯趙州以拒梁兵後唐清泰末契丹圍晉安砦見山西陽曲縣盧龍帥趙德鈞請自土

門路西援石晉末契丹入汴分軍自土門西寇河東既而契丹北還劉知遠稱帝於晉陽進羣臣議進取

諸將咸請出師井陘攻取鎮魏先定河北則河南拱手自服矣周顯德六年命李重進自土門擊北漢敗

北漢兵於栢井見陽曲縣宋太平興國中車駕自太原幸常山由土門路靖康元年种師閔及金幹離不戰於

井陘敗績幹離不遂入天威軍陷真定元至正十八年劉福通之黨關先生等大掠晉冀分軍四出察罕

勒重兵屯列要隘塞井陘杜太行擊却之明初取元都亦自真定而西入井陘下平定州見山西蓋太行為

控扼之要井陘又當出入之衝今特設官軍戍守

渝關

渝關一名臨渝關漢志注渝音喻亦曰臨閭關唐志渝關一名臨閭關

今名山海關在永平府撫寧縣東百里遼東廣寧前

屯衛西七十里近志舊渝關在撫寧縣東二十里明初徐達將兵至此以其非控扼之要

移建於舊渝關東六十里則按通典通釋並云渝關在平州盧龍縣東百八十里

詳見撫寧縣北倚崇山南臨大海相距不過數里實為險

要隋開皇三年城渝關十八年命漢王諒將兵伐高

麗出臨渝關值水潦餽運不繼而還大業九年楊元感叛李密謂元感曰天子出征遠在遼外據臨渝之

險阨其咽喉可不戰擒也

隋志盧龍縣有臨渝宮大業十年復議伐高麗至臨

渝宮是也

唐貞觀十九年征高麗還自臨渝開元二十年

契丹可突干叛幽州道副總管郭英傑屯於渝關外爲可突干所敗天寶十五載安祿山叛平盧帥劉客奴挈地來歸尋遣先鋒使董秦襲渝關入北平唐志柳城西四百八十里有渝關守捉城所謂盧龍之險也天復三年契丹阿保機遣其將阿鉢寇渝關劉仁恭子守光戍平州誘執之五代梁乾化中渝關爲契

丹所取薛居正曰渝關三面皆海北連陸自渝關北至進牛口舊置八防禦兵募土兵守之契丹不敢輕入寇晉王存勗取幽州使周德威爲節度使而德威恃勇不修邊備遂失渝關之險契丹芻牧於營平二州間大爲中國患歐陽修曰渝關東臨海北有兔耳覆舟山山皆斗絕並海東北有路狹僅通車其傍可耕植唐置東硤石西硤石

舊志東西二硤石而名蓋綠疇因碣石山麓

米磚長楊黃花紫蒙白狼城以扼之

新唐書又有溫溝白望及昌黎

遼西共十二戌

後唐清泰末趙德鈞鎮盧龍

卽幽州

石敬瑭以

太原叛求援於契丹耶律德光許之其母述律后曰

若盧龍軍北向渝關亟須引還太原不可救也蓋渝關控據形要制臨蕃戎實爲天險幽平之間以五關爲形勝而渝關又其最也宋宣和未建燕山路而渝關爲女真所得覆敗不旋踵焉金國節要云燕山之地易州西北乃金坡關今名紫昌平之西乃居庸關順州之北順州今順義縣乃古北關景州東北景州今遵化縣乃松亭關平州之東乃渝關渝關金人來路也自雄州保定府雄縣東至渝關並無保障沃野千里北限大山重岡複嶺中五關惟居庸渝關可通餉饋松亭金坡古北止通人馬不可行車其山之南則五穀良材良木無所不有出關未數里則地皆鹵瘠蓋天設之險宋若盡得諸關則燕山一路可保矣金人既據平州則關內之地蕃漢雜處故幹離不遂自平州入寇此當時議割地者不明地理之悞也志云渝關下有渝水通海自關東北循海有道路狹纔數尺僅通一軌傍皆亂山高峻不可越宋白曰渝關西皆亂山至進牛棚凡六口棚戍相接此天所以限中也外明初以其倚山面海名曰山海關築城置衛爲邊郡之咽喉京師之保障

居庸

居庸關在順天府昌平州西北二十四里延慶州東

南五十里關門南北相距四十里今有南口北口兩所兩山

夾峙下有巨澗懸崕峭壁稱為絕險地理志居庸塞

東連盧龍碣石西屬太行常山實天下之險有鐵門

關呂氏春秋惟南子皆曰天下九塞居庸其一也亦

謂之軍都關地記太行八陁其第八陁為軍都酈道

元曰居庸關在上谷沮陽城東南六十里軍都在居

庸之南絕谷纍石崇墉峻壁山岫層深側道褊狹林

鄣邃險路才容軌胡氏曰漢志上谷郡有軍都居庸兩縣蓋縣各有關按蘇林注但言

居庸有關而軍都則否蓋北魏時曾分置兩關耳唐志幽州昌平縣北十五

里有軍都陁縣西北三十五里為居庸關亦謂之軍

都關又居庸關亦名納欵關通典北齊改居庸關為納欵關唐志亦稱居庸

為納欵又名薊門關唐十道志居庸關亦名薊門關而居庸軍都其通

稱也後漢初更始使者入上谷耿况迎之於居庸關

建武十五年遷代上谷諸郡民於居庸關以東安帝

元初五年鮮卑犯塞屢寇上谷建光初復寇居庸關

初平四年幽州牧劉虞遣掾田疇奉章詣長安疇以

道路阻絕願以私行乃自選家客二十騎上西關出

塞傍北山直趨朔方循間道至長安致命西關即居

庸也胡氏曰疇蓋由居庸歷陰山而西既而劉虞討其部將公孫瓚

為所敗北奔居庸瓚追攻之城陷東晉咸康六年石

虎積穀樂安城見永平府龍縣欲擊慕容皝皝曰虎以樂

安城防守重複冀城南北必不設備今若詭路出其

不意可盡破也遂帥諸軍入蠕螭塞直抵薊城破武

遂津見保定府安肅縣入高陽今縣大掠而還永和六年慕容

雋使慕容霸將兵二萬自東道出徒河見廢大寧衛慕容

輿自西道出蠕螭塞雋自中道出盧龍塞又太元十

年慕容垂初復燕遣慕容農出蠕螭塞歷凡城趣龍

城討叛將餘巖於令支凡城等俱見廢大寧衛蠕螭或曰即居

庸音轉耳二十一年拓跋珪大舉伐後燕分遣其將

封眞等從東道出軍都襲幽州北魏孝昌初杜洛周

紀讀史方輿卷十直隸一二十八敷文閣

反於上谷圍燕州五代志幽州治昌平州也幽州刺史常景

與都督元譚討之自盧龍塞至軍都關皆置兵守險

譚出屯居庸關既而安州今密雲縣石離等戍石離戍見薊州平谷

縣反應洛周洛周自松峒赴之松峒亦見平谷縣常景使別

將崔仲哲屯軍都關以邀之戰沒居庸亦潰又關之

南口亦曰幽州下口北齊高洋天保七年北巡至達

速兒嶺或曰朔州塞外行視山川險要將起長城既而

發民築長城自幽州下口西至恒州九百餘里水經注濕

餘水出沮陽縣東南流出關謂之下口北齊書譌爲夏口唐會昌初幽州軍亂雄

武軍使張仲武起兵擊之雄武見薊州遣軍吏吳仲舒詣

京師言狀李德裕虞其不克仲舒曰幽州糧食皆在
媯州及北邊七鎮七鎮見雲縣萬一未能入則據居庸關

絕其糧道幽州自困矣五年詔毀天下寺并勒僧尼歸俗五臺僧多奔幽州李德

裕以責幽州帥張仲武乃封二刀景福二年幽州將
付居庸關曰有遊僧入境則斬之

劉仁恭戍蔚州引兵還襲幽州至居庸敗奔河東乾
寧元年李克用擊幽州拔武州新州進攻媯州李匡
籌發兵馳救出居庸關爲克用所敗幽州遂入於河
東五代梁乾化三年劉守光據幽州晉王存勗使劉
光濬攻之克古北口燕居庸關使胡令圭等遂奔晉
宋宣和四年金人謀取燕京遼人以勁兵守居庸金

兵至關崖石自崩戍卒多壓死遂潰金人度關而南
入燕京嘉定二年蒙古攻金至古北口金兵保居庸
不得入蒙古主乃畱可忒薄察等頓兵拒守而自以
衆趣紫荆關拔涿易二州轉自南口攻居庸破之出
北口與可忒薄察軍合二年蒙古薄宣平見宣府鎮萬全左衛
克縉山今延慶府遊兵至居庸關守將棄關遁蒙古兵克
之遊奕至都城下襲金羣牧監驅其馬而還元致和
元年元主歿於上都大都畱守平章政事燕帖木兒
起兵迎立懷王圖帖睦爾於江陵遣其弟撒敦守居
庸關唐其勢守古北口既而上都諸王襲破居庸關

遊兵至大口之今天良鄉縣北天歷初詔居庸關壘石爲

固調丁壯守之至正二十四年孛羅帖木兒遣兵犯

闕亦入自居庸元史初居庸所立南北口屯軍密院奏

居庸關古道四十有三改今軍吏防守萬戶所增置屯

軍於東西四十三處設十千戶所立隆鎮上萬戶以

又增置千明初既定元都洪武二年大將軍達壘石

爲城即城南以壯幽燕門戶三年徙山後諸州之民

禦所千及靖難兵起燕王曰居庸關路狹而險北平之

噤喉也百人守之萬夫莫窺必據此乃可無北顧憂

永樂二年置衛時立隆慶衛左衛於永寧縣而關獨

紀讀史方輿 卷十 直隸一 三十 敷文閣

有隆領千戶所五以爲京師北面之固自是北邊告

紫荆以迄天壽山潮河川白羊口並爲戍守要地景

居庸關既遂說者曰居庸東去有松林數百里中間

問道騎行可一人謂之札八兒道即元太祖問計於

札八兒從此趨南口者元史太祖攻居庸不能下問

黑樹林中有間道騎行可一人若勒兵啣枚以出終

已在平地疾趣紫荆倒馬二關隘口多守禦難徧內

達保定真定皆平夷曠衍無高山大陵之限騎兵便

於馳突惟居庸重岡複嶺關山巖固三關之守居庸

險而實易近時薄都下犯闕呼地利宣府安懷來人

紫荆

紫荆關在保定府易州西八十里山西廣昌縣東北

百里路通宣府大同山谷崎嶇易於控扼自昔爲戍

守處卽太行蒲陰陁也地記太行八陁第七陁爲蒲

陰或曰卽古之五原關原作一陁漢陽朔三年關東大水

詔流民入函谷天井見山西重險壺口謂龍門也見山西河津縣五阮

關者勿苛畱後漢建武二十一年烏桓爲寇遣馬援

出五阮關掩擊之水經注謂之子莊關易水與子莊

溪水合北出子莊關是也宋人謂之金坡關志云以山多紫

荆樹因改今名崖壁峭矗狀如列屏爲易州之巨防宋嘉定

紀讀史方輿卷十直隸一 三十一 敷文閣

二年蒙古攻居庸金人拒守不能入蒙古主乃趣紫

荆關敗金兵於五回嶺亦見易州遂拔涿易二州遣別將

自南口反攻居庸破之元人所謂勁卒擣居庸北拊

其背大軍出紫荆南搯其吭是也致和初上都諸王

忽刺臺等入紫荆關遊兵逼大都城南燕帖木兒敗

之於盧溝橋乃却明初華雲龍言紫荆關蘆花山嶺

尤爲要路宜設千戶所守禦從之正統末親征也先

至大同乃議旋師諸將皆言宜從紫荆關入王振不

從遂有土木之禍未幾也先自大同入犯紫荆擁上

皇而南從間道攻關破之進薄都城爲官軍所敗也

先遁去其弟伯顏帖木兒復奉上皇駕出紫荆關天
順三年孛來等寇大同直抵雁門忻代詔帥臣顏彪
馮宗率兵屯紫荆倒馬二關爲聲援旣而石亨欲以
大同叛嘗言據大同塞紫荆京師何由得至哉宏治
四年高銓言紫荆關之險實被拒馬河界破若賊據
其地我軍戰守非宜拒馬河即易水河北有三里鋪地勢平
展可以駐劄下視關城纖悉莫掩請卽其地增築城
堡撥軍戍守從之自是備禦益密十年火篩自大同
深入分遣大臣戍守居庸紫荆倒馬諸關口正德九
年小王子入宣大塞分遣兵守古北口及紫荆諸關

嘉靖三十二年俺答入大同徑趣紫荆關急攻插箭
浮圖等峪官軍拒却之插箭浮圖見山西廣昌縣志云紫荆與大
同密邇爲京師西偏重地向有舊關明初撤而新之
城高池深足稱雄固當居庸倒馬間實爲輔車之勢
倒馬

倒馬關在真定府定州西北二百五十里

志云在保定府唐縣

西北

山西廣昌縣南七十里卽戰國時鴻之塞也戰

國策趙武靈王伐中山取爽陽鴻之塞史記作華陽
鴟之塞華陽蓋恒山別名鴟徐廣曰當作鴻亦曰鴻
上關今謂之鴻城在唐縣西北博物志唐關在中人

西北百里

見唐縣

或以爲鴻上關酈道元以爲鴻山關

漢時亦名常山關後漢建武十五年徙雁門代郡上谷民置常山關居庸關以東關當常山之嶺道故曰常山關漢志代郡有常山關是也晉太元巾拓跋珪自鄴還中山將北歸發卒治直道自望都鐵關鑿恒嶺至代說者曰鐵關卽故鴻上關今爲倒馬關路又北魏武泰初定州爲上谷賊杜洛周所圍刺史楊津請救於柔然柔然前鋒至廣昌賊塞隘口不能進而還卽此縣也沈括曰飛狐路在大茂之西自銀冶寨北出倒馬關却自石門冷水舖入瓶形枚回兩寨間

紀讀史方輿

卷十 直隸一

三十三

敷文閣

也

瓶形今平刑關也見山西繁峙縣其相近有故枚回寨

可至代州胡三省曰

括所稱代州蓋謂雁門自此亦可至漢之代郡但非直道今自蔚州廣昌縣東南山南出倒馬關至中山上曲陽縣關山險臨實爲深峭石磴逶迤沿途九曲誠控扼要地也宋嘉定十三年蒙古木華黎至滿城今保定府屬縣使蒙古不花將兵出倒馬關適金恒山公武仙遣將攻臺州今山西臺縣不花與之遇敗之旣而引兵趣倒馬關金人遂以眞定降說者謂眞定之安危視倒馬之得喪也三關攷倒馬關有二城稍北者爲上城南者爲下城相去三里許山路崎嶇按轡徐行庶

無銜鑿之患故以倒馬爲名國家以雁門寧武偏頭
爲外三關而居庸紫荆倒馬爲內三關西偏有警必
分列戍守於此州外三關詳見山西代
州及崞縣河曲縣正德八年山大
同入犯寧武及倒馬關諸將拒却之蓋在京師肘腋
間備不可不豫慮不可不密也

按直隸雄峙東北關山險阻所以隔閼奚戎藩屏中
夏說者曰滄海環其東太行擁其右漳衛襟帶於南
居庸鎖鑰於北幽燕形勝實甲天下又曰文皇起自
幽燕奠涿鹿而撫軒轅之阪勒擒狐而空老上之庭
前襟漕河北枕大漠川歸轂走開三面以來八表之

梯航奮武揆文執長策以扼九州之吭背秦晉爲之
唇齒而斥堠無驚江淮貢其困輸而資儲有備魚鹽
棗栗多於瀛海碣石之間突騎折衝近在上谷漁陽
之境修耕屯而塘泊之利可興振師干而開寧之疆
在握此真撫御六合之宏規也然而居庸當陵寢之
旁古北在肘腋之下渝關一線爲遼海之嚆喉紫荆
片壘係燕雲之保障近在百里之間遠不過二三百
里之外藩籬踈薄肩背單寒老成謀國者早已切切
憂之而不僅此也九原雲中制我上游之命李鄴侯
靈武之謀欲並塞北出犄角以取范陽蓋地勢形便

川原斥鹵馳驟易達也三齊爲我南屏而輓輸數百萬皆假道於此設有脫巾挺刃之徒乘間而起則京師之大命倒懸於山左矣可勿爲意外之虞乎嗟天中外之勢千古大防也勃碣之間自古爲都會矣特以密邇疆索引弓之徒狺狺於塞外者不惟一族故制馭之道爲尤切焉富氏弼曰河北一路爲天下根本燕薊之北有松亭關古北口居庸關此中原險要所恃以隔絕匈奴者也呂氏中曰燕薊不收則河北不固河北不固則河南不可高枕而卧澶淵之役寇準欲邀契丹稱臣且獻幽薊地曰如此可保百年無事不然數十年後戎且生心矣眞宗不從及女眞取燕山遂成靖康之禍